

浣川集 卷補遺 卷一

共 2 册 存 2 册 排架号

09412

浣川集卷一

五言古詩

書懷

隨牒滄海隅
 兩見初月吐
 緬懷故山友
 飄散等風雨
 低頭緝簿書
 仄足隨步武
 荒哉舊時學
 十石壓一縷
 涇渭誰濁清
 茶薺互甘苦
 癡兒了官事
 朝飯或過午
 聊為五斗淹
 未受三命俯
 有得那免失
 無關孰為補
 門前流水車
 六轡去如組
 忽逢阮生途
 微徑何由取
 夸者類死權
 所死固已粗
 人生天地間
 誰客復誰主
 蛙鳴儻適意
 賢於兩部鼓
 蝸角起相攘
 戰劇赤白羽
 息機自捐捐
 獨趣甘踞踞
 喧寂不相謀
 笑人從鄧禹
 行藏正有時
 倚樓追杜甫
 固知抱書癡
 肯學數錢賈
 長纓羈單于
 尺紙招贊普
 古來磊落人
 過眼蚊蚋聚

補

戴



且復對青山天外修眉無悠然成獨酌醉語免童殺是時秋冬交
寒事欲瑾户蛩螢夜唧唧草木霜莽莽新詩從何來令我隘寰宇
颯然出世姿一蛻塵與土海風入書幃吟和鷗鴉櫓夜光驚照室
恍若珠還浦拂研染松煤自汲寒井甌惡語未用刪意沒聲節古
起看參斗橫的歷掛粉棚

寄題林上舍真意堂用其元和淵明韻二首

趨羸厭市寂洗聽嫌瓢喧襟素倘相越取捨誰為偏卓哉靖節翁
人境得仙山有真諒無贖無往豈有還唯彼南山雲朝夕可晤言
山雲將雨忙山風得松喧嗟我無用世懶癖抱奇偏鴛鴻玷清宁
猿鶴猜舊山羨君不浪出悔我今空還三復和陶什慙謝不能言
和葉水心會昌觀小集

深居抱窮空弱質資凍暴躡齊邇高堂凌陰得重燠敗素諒難遷

窘逼尚可復再拜窺著書甘以謝華轂涉海浩無津眩汗頸為縮
萬葩拾一二淺心自蘭菊喟馬懷世情否泰幾翻覆經綸委道周
伊誰獲已熟哲人信委蛇愛士比金玉蓋摩集雲門艇湊思遠瀆
一觴為我陶十載期爾勗歲晏霜雪交故林有喬木

次韻水心端午思遠樓小集

眾嬉容獨醜孤正軋羣傾何必遠者思今古同一情士方慕潔修
各以好自縈一旦履華膺爭奪遺世名鳥鏡隨詆鳳螭蝘起困鯨
醉中觸靈均到今喚不醒朋社肉曼衍冶遊眩輕盈無情湘水窟
有恨郢山棱

賞梅游中塘分韻得影字呈水心

神仙宅空碧下亦愛人境中塘豈所私羣物賁華景始憇羅浮舟
水迅山石礪三岡肇茲源清曠可百井疎起樵屋烟密貯玉娥影

隴獅鼓雪髮石鳥延悅頸未竟前後村忽迤東西頗潔諧竹買隣
醜愧櫟生癭歲晏澤澍枯日燥霜力猛翮其千萬芳阻此一半騁
窮哦弔羈艷燬炬藥酷冷誰料風騷家敢奪造化秉兒童駭新觀
父老發舊省初斲莎根移肅布花陣整春筐望雨肥月橋任枝瘡
胡為浪釣引眾喧侵獨靜滋味已足冠色香難自屏徘徊重徘徊
天北大星耿獅子隴鳥雅
石皆地名

後園老梅為園丁斧而薪之有所存者直幹危稍耳近亦放
三四花吁嗟梅兮生非其地儻移在離騷園中肯作如是觀
耶故詩以弔之

爾梅生不辰失身蔬茹圃雖沾灌溉力却受穢濁侮未能同臭味
祇得共甘苦青隨菜甲肥翠引蒿芽吐與時自高下何意較爾汝
畦丁厭長成恐礙寸金土清陰仰密葉日日逢而怒疎柯並柔枝

旦旦伐而斧如此冰玉姿若為荆棘伍孤標餘寸息老命懸一縷
四圍蒼蘚黏半心蝕蟲蠹禁持幾霜雪剝落久風雨潛陽動地脉
生意頓鼓舞塗抹三四花豈自矜媚嫵香清不如少骨勁不嫌古
試問白玉堂何如破茅宇畢竟天地間貴賤各有主苟非吾所安
雖榮亦何取說與此花知善自且撐拄須有歲寒人徙根松竹塢
知汝非錯薪肯容刈其楚巡簷一笑春能忘在莒不

送袁著作守徽州

明月我進賢飛霞粲朝服歸著萊氏斑堂前問涼燠肘旁一印懸
字刻新安牧清時寶靜恬頽俗迷返復而君膝上傳贖此名節馥
頽鯉躍天池羣鯁蕩相逐中迺有一鱗不洄亦不狀驪龍雷電威
閃光注兩目未知麤者誰欲使同鶚鷺君家此二圖厥理探已熟
翩然九門去飲爾萬家福風移戶賦稠雨足山苗或一將蘭芸香

盡洗甯錕續手別阻齋房心期屬帆軸昔聞孔敬康埋米彼深谷
遲君膏觀車後來載幽獨

送翁靈舒赴越帥分韻得欲字

越峰羅四圍越水鏡相燭我昔扁舟來十日者不足天垂禹祠旁
海入秦望曲荒寒暝色歸牛背下鴿鷓興亡百粵鄉俯仰千載俗
恨我劣風騷眼到筆不屬君今挾此遊萬象困搜斲有類古趨將
敵勅乃所欲市驅義獻軍降豎元賀蠱策勲六義右正始渺絲粟
秋風吹蟲聲桂菊漸結束京華萬種身聚散碁著局吾徒日夕偕
文字當杯醪奈何奪此翁為我謝州督

定海餞王郎中

瞳瞳明月佩奕奕朝霞裳握蘭侍帝所舉蘭思衡湘衡湘渺何許
玉節耿有光菴俛九城民喜色紛迎將曰予逢聖代有君冠虞唐

臯禹翊元化萬宇如一堂欲銷庾籍蠹乃借芸籤香我聞生人初
此屋有益藏官漁吏為畧賴此有尾魴湖南素清絕帛賤米不翔
攬轡亦何事談笑還循良歸來倡九牧論思助時康此別非久隔
此懷詎暫忘湖風開皺碧柳雨滋柔黃朋簪各有贈再拜獻一觴
短章不成琢愧彼金玉相

五言排律

上丞相壽

某伏以六十載循環衍甲申於周歷五百年同軌混南北
於漢京鍾上哲以挺生懋元勳而未艾恭惟少傅樞使大
丞相國公先生道光聖偶德冠民彝帝載熙而元首尊天
綽穆而國體正四方是則丕昭明翼之功三壽作朋永介
昌耆之福某身陶恩治心炷誠薰炳耀形容莫繼清風之

頌推原本始敢希崧嶽之詞謹綴成唐律三十韻冒獻鈞
墀仰祝椿壽某下情無任欣抃贊詠之至

人統開璿甲紳為台符煥紫躔數如環復始天與壽無邊麟閣
精神異龍輿寵數專先朝稱舊弼路國最長年遼幣猶增遣河流
未肯旋爭如今日盛獨致太平全青社歸傳檄陰山息控弦堤成
江勢却彊闢稻畦連燮理功何鉅勤勞意自便寒分編戶粟雪賜
羽林錢吉日登符寶中天啟棟樑九重申駿命一德共蟬聯吾道
今隆矣人文益粲然來歸褒衍聖訪後續伊川美績隨時見神謀
應物圓基扶周鼎晏色補舜衣妍獨立觀昭曠中持幹化權通融
文共武銷壓黨兼偏位乃昭文右功惟尚父先福流寰海遍謙守
此心堅卦象黃裳繇詩家綠竹篇流傳皆琬琰賡頌幾歌絃峻極
千齡際中和二日前沙堤春駘蕩鳳沼曉澄鮮綺席紛才俊瑤臺

映列仙一輕韋繼漢百兩結歸燕賤子叨卑鑰清晨染賀牋所慙
恩似海安得筆如椽舉目看霖潤禔身擬化甄願同松與石潔操
在平泉

賀丞相家廟詩

某恭諗肇新廟制寵荅功宗蕃王室以登賢光于宰輔康
周公而賜魯閱我丞嘗厥基永休孔曼且碩恭惟少傅樞
使丞相國公先生心傳經濟德紹弼諧洪采薇天保之規
率循初志奏苞栢河平之凱克救前功上方揆本以酬勲
古蓋緣情而起禮師相擁真王之貴宗祊增別室之崇薦
事惟寅流澤斯廣某聳觀異數倍激愉悰拜後拜前夙聞
佚誥之冊俾昌俾壽敢賡克頌之篇謹綴成唐律三十韻
申獻冒犯鈞尊某下情無任欣抃贊詠之至

有永恢皇祚中興挺世臣王封一品貴廟錫五筵新日月臨華表
璇璣近彩晨秀當吳嶠色流自鄧江津給吹儀褒燧銘功鼎賜栢
神遊來燕日吉朔契龜辰騶騎傳呼闕儀鸞供帳陳九街收雨淨
午漏帶鐘勻從以簪纓貴來羞俎豆珍思隨時共肅懽與律回春
感激思親淚春容致主身羣工瞻禮樂百兩溢車輪與若今為盛
應無古與倫王珪慚寂寞諸葛抱酸辛父子千齡並明良一德純
秉心同此學錫福遍生民日者邦維固天令敵運屯版圖重入漢
玉璽已收秦遵養謀先定規恢氣遂振相仍鳴鸞鸞雙玉上麒麟
帝謂先朝舊卿勲不數人何官崇寵渥無地匪經綸禮始昭陵建
恩參路國均有嚴京邑宇還望越祠鄰犧象時觴潔貂蟬月拜頻
烟芬沾香霏雲氣護輪困龜泗提封衍韋平系緒說祝宗辭不媿
善慶澤無垠永輔乾坤晏同濡雨露仁小儒松栢頌留筆記蒼珉

龍湫瀑

石壁百尋高噴空飛雪濤鳥窺翻進退龍住本雄豪長嘯勢隨壯
細聽聲忽逃沫霏侵佛像境淨絕谿毛峻頂聞通海澱流不著舸
虹霓無故見靈怪有時遭久對崖疑動遲行路不勞貧休濛雨句
人詠入詩騷

同水心弔薛子舒墓

自斲青雲去長途墜玉鑣有名天所吝無病藥為妖月斧十家寂
霓核五色銷夢靈虛吐鳳數短寶如鴉筦庫嗟常調弓旌欠特招
貴免嫌苦淡盛葉不蕭條往憶京華旅相隨柳外橋行藏今止此
歲月忽同飄留札寬親抱緘文付楫警敬亭花自發族隴木仍喬
稍待刊銘志從知慰沈寥友朋如昨日來往未辭遙酌散牕生霧
吟寒斗掛杓百年齊一盡終譽在山椒

斲

五言律詩

宿山寺

前夜六根淨來尋下榻盟夢回秋已至心定暑初清急雨打窓過
飛落泉澗聲佛燈猶弄影趺坐到天明

勸耕題正覺寺次王文康韻二首

渤澥東南極何年梵室開地形緣水盡潮勢挾山來古市朝仍暮
遙帆去若回老僧無一事曠日射飛埃

海山春過半未見一花開巖溜無時滴松風盡日來前生身已到
歸路首重回祇恐山靈笑衣巾著吏埃

清源寺

踏破祖師闕參黃仍弔顏龍分一脉水鶴占半屏山塔影浮雲外
松陰落照閒本因閒到此吟苦不能閒

帆

自龍湫出靈巖

四山奇更峭外看未知山藏此千峰在多應一壑間飄湍洗雲骨
靈異出人寰埋沒尚多有寄言榛與菅

羅漢寺

崖勢石龍如中為大士居茗花時現異檀施最緣渠竈藝山枝濕
燈懸龕影虛山門難即去奇嶂列前除

題石龍亦名龍鼻水

嵌崖雙合處罅石隱龍形鱗甲從人看莓苔自舊青兩窪唯一滴
盡日不盈瓶飲此清甘極全令塵思醒

白鶴寺

子晉昔遊處平臺片石成寺名猶記鶴松響却疑笙巖壁飛雙瀑
金沙照一泓野人豈仙伴隨鹿過溪行

寄劉成道

吳

歸淮方向浙度盡一年寒想見添詩卷傳聞攝酒官雨多江淑暗
未賤客愁寬舊友參臺幕應留看牡丹

宿局次韻盧直院炎夜之作

市屋炎蒸極愛眠官署亭灑泉清坐石疏紙出危樵靈草有塵色
風枝無動形懷人兼述句鐘盡鑰開扃

定海寒食西湖憶盧玉堂葵西湖之上近傳有僧請大仙降
若是其筆

寒食無朝謁閒攜載酒車燧青宮蠟火雨白野棠花舊友頻遊處
蔗汗一酌賒傳聞有仙筆麗句落僧家

送蔣德瞻任弋陽令

下車先訪俗期減月椿銀廉使舊知己長官賢過人吏稀中路接

椿

山密道家隣縣譜傳無用祇將琴譜親

坐中有一桃花自屋椽飛下因而即事

幽意靜中見春風處處通層階生暈碧罇瓦落飄紅禪語闕詩趣
寒陰出酒功人家社日近翠餌擣香蓬

送宋君輔迎母往總所

步合趨臺閣人於此去疑定應中路召早是十年遲草奏懷邊略
開緘得賀詩從親登賞處花發小春枝

送盧次夔赴仲父校書之召

離家向京國客思獨從容有句詩人讀無書館吏供蟄雷先一月
晴嶺沓千峰馬上思親處題緘寄所逢

夏肯父為先都倉求水心墓誌未得而歸社中諸友皆賦詩
送其行

是

文星金石筆許爾有新銘寬作春風約歸看宰樹青房留僧閉月
舟渡鴈移汀憑寄梅花報先賢必典刑

餞曹西士宰南康

君名華省裏廬嶽未應過壽日人兼餞涼風湖際多茶醒憐鶴睡
琴寂聽漁歌候騎新來說先聲眾已和

送西士之南康

祇聽留行語難工送別詩清才今少比循吏古為師水轉朝京路
山迎近縣時種蓮曾有社應共逸人期

農家

農家何所有掛壁一鋤犂歲計唯供賦門前自好溪剝麻搭覆日
繰繭蛹分雞不復知炎月南風吹稻泥

久雨記農父語

吹烟不出窟雨久未知晴冷縮秧芽爛滋含樹耳生南風愁甲換
濕土怕星明朝客慚無補歸來伴耦耕

眠輕

眠輕夢不定晨戶入疎風清坐一甃想古人皆太空少言訓俗客
忍事付天公祇了此生足不嗟吾道窮

蔡尚書挽詞二首

又報文昌坼耆儒去玉除經綸於世密趨和與時疎閩地祠常袞
詞臣說仲舒香名五十載終竟道如初
廊廟平戎策詩書論善箴十年纔一旨未是忽先陰史局收遺稿
宮寮出賜金門生私慟處即是萬人心

徐少卿挽詞

盛業清朝選香名早歲芳所忻逢舜禹寧肯學于張卿月高秋部

終閣本
作詔非

恩波徹夜郎誰嗟賢哲事身外欠周防
忽作嚴州夢難隨上雍班行藏天分巧夷險世機閒障酒雲生綠
銘旌露濕斑保昌鐘梵曉依舊是家山曾夢作嚴州及謫嘉州
陳民表挽詞 陳厚之同年之父三子皆
住僻宜元晏門高聚却說歿猶存議論生豈恨沈淪舊姓符占地
新銘勝寫真登堂曾獨拜愧見德星人

奚帑院挽詞二首

歷官凡有幾五駕令君車健吏猶難色儒生未必疎廩飢祠有像
鄉飲禮成書惜阻蒲輪申公八十餘
藜杖脫朝纓蕭閒物外情問梅添舊句愛石品新銘鶴侶歸何處
雞牛夢已成中庸餘舊業留付後儒耕

夏迪簡都倉挽詞有子曰終堂水心作墓銘全記黃巖登科人

聖代難平進倉官不厭卑恨無中歲壽名有上臣知事業空流水
科名在墓碑兒能起門戶何止繼前基
林酒庫挽詞林先之提舉為墓銘
靜夢鐘催漏榮恩露眩花能鐫題墓語終認讀書家壤樂齊裘褐
風酸送旒車竹軒孫幾輩又減鴈行斜

宋叔簡挽詞

上國曾隨計香名眾所聞百年猶是短寸祿不霑分笛送鄰家月
樓藏卧處雲生窈何必奠徐穉有銘文

郭伯山挽詞東陽人其先拾遺諸老教授其子弟余先伯父亦曾館其西園緣晚得恩科連辟三任自盱眙

歸而卒錄參甫

歎息名流遠西園事亦新辟書三度晚歸計一庭春魂結憂邊夢
真傳苦學身雙峰寒改色應為失高人

挽張知縣詞

卓絕為官事碑銘字畫深萬鈞持重力一點覺圓心天地空輪跡
賢愚荒草林老來頻閱世有淚不沾襟

少文挽詞

塵外拾科名儒袍一半青淒涼余舊友端的墓新銘池洑騷人墨
山空隱士星殒言猶成佛引葬只芻靈

戴君挽詞

往歲戴君令子見訪頗記有
與余同名者獨未識君爾

舊識黃巖族與余名姓同碑呈今日志君繼古人風活弟甯憐子
通身是至公松岡湔濕雨讀易玩泉蒙

前休處士余君挽詞

事向生前了名逾死後新谿山三尺冢詩酒四時春急義先鄉社
憂民間縉紳蜚江纔一葦恨阻送車塵

王秘監夫人挽詞

五桂堂深處霜萱竟不春獨從前崦路重見道山人檢點哀詞衆
推尋碑事真應言嫁時物縱在亦為塵

浣川集卷一

浣川集卷二

七言古詩

上丞相壽

某竊以奉珍而賀正月上方疇輔弼之功間氣而應千齡
 世成仰父子之懿生賢有數溢慶推歌恭惟少保樞使大
 丞相國公先生一德登庸明謨洪濟績戎祖考聿成中興
 未成之勲輔相國家宜備太平難備之福某一官芻蕘四
 體陶埴曩吏於太白峰之苟如瞻崧嶽今照以紫微垣之
 度敢祝泰階謹綴成古長句一首稱壽冒犯鈞尊某下情
 無任欣抃贊詠之至

戴初文子
 戴初文子

玉麒麟表中興瑞江左風流自韶漢我朝宰相越王家身為中興
 開瑞數去年寶獻撲鹿花春風端門散恩華叢叢萬額扣香穗祝

興

公壽福逾堤沙披輿地圖上意肯黃河不渾青海靜經綸有道鼎
年多惠利無邊壺晝永冠蟬衣袞真天人却笑凌烟色易陳調御
乾坤八掌握殄茹沆瀣長精神鑑冶小儒蓬室底倏憶寶從元祐
起元祐堂堂森鉅公亦有文章六君子欲賡烝民繼周雅筆欠如
椽聊爾耳不然從頭頌勲庸硯蟾應渴西湖水

春風行為判府韓郎中壽

鴻濛何物轉膠轄春風萬里來閭闔佳哉可愛不可名叶氣穰穰
如響答去年浙水皆春波今年鄞江春最多桃源洞口一披拂花
胎柳骨含天和散作油雲三日雨田家喜氣充環堵蒸腸得未停
春雷共向清流浸秔稌秔稌可種麥可耘今年上瑞應十分不知
化工費多少化工不自書其勲歸來閭闔門四敞更展經綸九天
上坐令八極一春臺物物大鈞融溥暢君不見古往今來春復春

春風歲歲長如新

題顧凱之畫洛神賦歐陽率更書高宗御跋壽右司

建安七子雲錦裳東阿冠珮儼帝旁美人依約駐何許危言和飾
含芳薌虎頭妙處似癡絕丹青貌出花邊月空詞無色重徘徊多
態有顰轉蕭肩軟風吹香熊耳蒼蘅皋芝田晴翠長玉笙飄斷牽
情夢羽葆翻開顧影光蘭^叙橫裁雙鳳翥調高不染巫峰雨龍髓
生霞謝露鉛蟬衫如水縈金縷瀛洲學士老率更服膺編簡誰施
媿平生肝腸忽媿媚神氣鈎畫同飛揚閩晉經唐幾今昔光景常
鮮日月白紹興天子曾品題價重珊瑚何翅百吾聞商雒神靈居
祇今王會臨皇輿願公翊我九疇主更覩龜呈綠字書

楊子京益壯樓

江有先將為

征蠻老將何矍鑠馬如飛龍鎧如石不記腥雲毒雨時苦憶河游

乘下澤纍纍惹改化明珠讒夫萋菲何代無畏死嗜生非烈士欲
行輒止真貫胡江東領軍今獨步快劍雄筆風雨過壯骨無身宰
樹高壯懷有弟樓名大樓前萬象供指呼遠蒼近綠開畫圖榮謝
隨時各稚葦宇宙不改同朝晡請君清坐自探索此本無虧何所
益

次韻盧直院題秀邸所贈春龍出蟄圖

中興斷鰲四極立黃河不動銀河濕群龍作御翊天飛豈有泥蟠
初破蟄畫家畫甜難盡神詩家詩苦空絕塵上聖調合二能事從
此角鬢成活身王門沈沈風鐸語妙舞停響歌罷句夜半祥光挾
電生知從所賜春龍處明朝黃麻出漢宮草麻因贈玉堂翁見者
傳觀互矜詫我為指點開鴻濛九州未畫一豐草龍豢於官猶在
島後來盛理稱太平麟鳳不厭郊原小我願萬物常安舒澤焦潤

與元作華

槁旱不枯百靈有職不相襲崑崙日月自出入

題吳明輔文集後

水心序陳壽老文古今文字盡此矣吳君明輔壽老的傳
也峭似其師讀此序則併知明輔矣余何敢贅頗憶從水
心游每遇佳題輒令同賦而送壽老詩余未有述也追和
其韻以贈明輔

冰蠶續絲犀琢軫欲奏南薰終不近水心歸宴白玉樓一代詞華
為渠盡有客觸熱來相過手挈朗月披烟蘿筆陣森森萬馬肅夜
雪未攪千群鵝游鞞戲鏘偶獨出見者驚降什六七招摘世故窮
高深鈎揣物情懸得失子雲老去方草玄雕蟲往往羞少年水心
不學駢儷語評麻品制空現前子今古文自是斗笑殺時流牛馬
走人間百短見一長留此一短無何鄉之朋心不肯作四六箋表付

木林

日欲令直學士院急振
手謝不能手幾墜地矣

走筆代書荅西士

帝城百司官事少故府庭閒長春草獨餘人事十倍多一月束書
逾來稿我於其間厭見之語可摹印百不移深處難論淺處俗今
我下筆如黏稿自得君書手不置報章颯颯生新意漫將長句替
寒溫臨流勝寄相思字久不哦詩詩律疎字字偃蹇煩麾呼羨君
作邑匡廬下柔強伏梗安以愉迺知萬事共一法神熟意便功轉
捷聽訟固應哲士能理賦未省通儒怯往時蔡子尹黃巖欲試自
疑龜屨占祇今登用頗袞袞似此縣債償亦廉期君規模卓魯上
隨世功名真漫浪幸勿棄我頻琢磨中年師友半凋喪西湖柳色
遞晴陰蒲江遠矣誰共尋近聞鄉里一奇事宿覺庵邊祠水心
捕蝗回奉化泊剡源有感

十月五日江信風小舟搖兀蘆葦叢雲端初月吐復翳時有鸛鶴
鳴寒空梓英離離掛石髮松蘿矯矯垂羽幢徒步長歌者誰子乍
抑乍揚驚遠厖令人慘淡百感集呼酒不飲心未降自從作吏浼
泥滓故書蛛網塵滿牕海田無雨種不下是處奔走祈淵龍龍慵
不起蝗四起茹草啖葉無留蹤早擊暮遞夜東火遺子已復同蝸
蛸吏無功德可消變勉力與爾爭長雄矮屋三間自寒暑居無十
日甘憧憧却憶萊堂應夢我白雲正隔西南峰人生富貴亦何用
長年菽水勝萬鍾一丘一壑自不惡我欲從之那曼容

刈麥行自靈巖歸示趙丞

大兒牽衣鎌在手小兒攜箕並畦走陌翁語嫗切莫遲梅風溫雲
晴不久兩手便熟鎌無聲黃雲捲地蒼坡平一聲長歌出臺笠麥
蛾飛起緣其纓炊烟幕幕暗楊柳大婦壺飧仍榼酒酒清飧冷未

暇嘗腰骨酸辛一驥首

程郎中生日

明光殿前雙侍史瑞氛曉透爐烟起玉壺一段水作漸風流漢署
參差是邇來郵館持節歸御花金帶紅氍毹何假通侯聯八座此
真漢相驚單于遐哉東海一萬里浴日涵星渺無止只有潮聲似
政聲日夜流傳喧兩耳男耕女織桴鼓聞四民不動安如山願公
端委穆天緯歌謠處處同東海

七言律詩

上丞相壽

仰惟寶慶三禩王正既月少師樞使大丞相國公先生初
度載臨薄海內外惟拈惟歌是月也冊寶告成饗獻存舉
天地開霽民物和懌皇上寵荅元勳恩隆意決錫以御服

之擊進以上公之位大丞相方爾謙冲不居巽謝唯謹君
臣之間至美全盡可謂盛矣某得之朝野以為大丞相所
以翊輔聖躬雖飲食起居猶屬之意懿哉此社稷無疆之
福也某身出甄陶喜倍夷等愛切者情深忠過者辭僭竊
謂用人大權要在察微馭外長筭不必務速因獻斯語以
庶幾穆如之頌若夫某之鏤恩銘德雖彈南山之竹未足
叙也謹綴成唐律七言十首以侑萬有千歲之壽冒犯鈞
尊某下情震惕怔營之至

篆金成寶玉成編春滿東朝萬象妍黼衣有尊天子聖鹽梅無迹
上公賢日開喜色臨黃道風遞和聲下碧躔清曉兩宮齊錫壽三
槐影裏沸傳宣右冊寶
宗祊享德本無私手捧羲輪上玉墀犧象潔新親薦處鳧鷖燕樂

守成時重闈昔誦明光賦碩輔今賡聖德詩一體君臣同五福無窮無極太平基右饗

天心妙處不難通祇愛忠勤與至公雲映禮容呈曉霽雪符臘令報年豐的於何處容人力誠到無言是極功試向璇璣觀大象三台夜夜色齊同右天春

帝里熙熙笑語閒新春勝事總相關眼者長樂鴻名建心愛淳熙盛象還雪曉萬家沾廩玉月霄九陌湧燈山昇平此德將誰報一炷晨香斗柄間右人

萬釘寶瓏價連城勅勅初宣上不名虹彩助成霖雨潤龍光疊映袞衣榮五湖四海歸蟠際萬歲千秋侍聖明應笑唐家于闐玉不於房杜表忠精右玉帶

上傳新加鼎鉉金辭榮幾度至如今力陳遜表摛謙甚細想神毫

聰

注意深道合明良闕數運禮隆典冊答群心越王盛業輝煌在欲把緇衣百遍吟右太傅

聖主千齡不易逢直應護養到清躬觀書子夜勤毋過頤志宸庭樂自融盛有聰明攝帝舜深於保輔是周公治平元祐從頭數此是皇家第一功右翊輔

手引群工上帝庭常須吉士認儀刑一般笙磬方同曲千古蕙蘭各異馨泰道正應分內外前賢錯是說調停願歌周雅卷阿什鳴鳳諧右用梧葉青

古來要鎮及邊城祇在深謀不在兵廟筭何曾有遺策將臣容易欲要名弱翁持重羗還服裝度經營蔡自平靖定規模天廣大會須混一到神京右馭外

天地深仁不自知物纔有識荷恩私前年倉鑰塵遮面今日朝班

笏挂頤宛若凌虛生羽翮了無報效及毫絲平生金石不移志只在鈞陶聽所之右自叙

賀水心先生七十

欲盟鷗鷺老昌湖其奈君恩未許何遲此經綸今日後定須酬折得年多著書新稿天無盡閱世閒心海不波七十却嫌人賀壽繚繚閉雨長庭莎

題朝爽軒

不須拄笏覓西山太白峰頭雪未乾物景四時俱是爽江流三面此為寬慣來幽鳥遺巢在欲縱香苞和雨寒我有一言君記取勿栽高樹近欄干

題雲巖寺

纔見好山疑近寺却尋流水入山來坡頭上下無平屋松色中間

有落梅越地此方全是海唐碑其字半生苔萬菴老子吾家客說到儒門眼倍開

題覺海寺二首用商宰韻

山頭金碧入層天下瞰平坡百頃田靈跡解扶明聖運斷碑猶記會昌年日翻鳥鵲觚稜迴風落蠨蛸玉帳緣祭罷數翁沙際立暮潮一舸去翩然

秋雲閣雨暗江天雨外鋤犂治廢田作吏自慙空送日爾農何事不逢年荒村獨往無人識古寺頻來有佛緣暫借茶壚供煮藥松風遶鼎却冷然

祈雨二古跡劉伶墓不知何在此廟前置一巨壺賜帝廟蓋海商所立因見其羽衛於海上歸而神之紹

興中說加封聖應有詔

已出郊坰曙色微田翁指點路分歧門前大白劉伶墓壁上瑩篔簹

冷

荒

場帝祠五斗精神醒亦醉二妃恩寵死相隨何如一挽天河洗却
為君刊萬古碑

題方干墓

生前知己人誰是今日人人識姓名葬地不封秋樹死詩壇空在
暮山平子孫零落行人醉畫像微茫釣渚清唯有寒蟬思凄切別
枝依舊曳殘聲方干鑑湖西島詩云世人墓在鑑湖鶴盤遠勢投孤
嶼蟬曳殘聲過別枝此方干警句也

大水次友人韻

天公豈是出新奇漲潦茫茫秋暮時牽浪何曾傳雨信迴南不用
掣風旗拍浮甕益鳴相屬顛倒籬牆去若馳數日羲和尚羞澁嫩
黃晴影浸清漪鄉間風水多作於七月必須醞釀數日而成謂之
此九月作水纔雨即驟欲霽亦不復作南風方霽謂之迴潮今
矣一作萬物可憐如狗似潮來晴影漾清漪

屬

若

和盧直院秋懷

因秋又動長年情老却於秋分外清病骨汗銷衣亦健水牂影淨
日添明有聲無譜寒蛩切似定還狂暮葉輕不為鱸魚歸未得問
言微宦欲何成

答徐提幹移居之問

借居僧榻浚於僧欲築三間屋未能諧盜忽聞黃榜提空園亦喜
綠陰增梅天氣濕常留火草岸蚊多懶近燈自笑病衰無可用夢
中檄就筆飛騰

曹徽獻生日二首

東皇縹緲伏下層雲來駕和風再泱辰勳闕此時生鸞鷲天家滿意
抱麒麟方腫的皪輝遲日綠鬢扶疎受蚤春太史設公甚奇異若
人星即是前身

天聖陰功天下母慶源重此毓英豪政區賢否澄冰鑑詩得江山
妙彩毫已使列城歌既醉可無衆口賦崧高油幢誰道容溫席行
從君王宴碧桃

送陳叔方閩縣丞

兩年湘岸聽濤聲又向閩峯住冷廳可是初階帶朝籍已聞獨薦
起齋鈴秋邊梧葉無風下旱後苗根一雨青客路方新世路熟莫
將絲筆鬪英靈

送陳漫翁教授官滿赴都下

嫩黃十點糝槐枝此別諸生倍所思判牒署名書字小開經耐問
具餐遲竹邊亭在誰招隱囊裏書成合濟時東府主人偏愛士為
歌履屋杜陵詩

浣川集卷二

浣川集卷三

七言律詩

送侯居甫監軍器所門

青雲直上不留難也向神京效一官御帶禁嚴曹事少員分省戶
薦書寬明時蘭綺曾何用昨夜邊烽未肯寒定有囊封神廟畧還
同新句寄來看

送蔡子重知松陽縣

葉頌書翻昨夜風主人應辟出山中長淮再定因前畫小邑頻難
試後功辦得分明歸版籍寫將清靜入絲桐朝堂赴日勤延問應
說無他只至公

送趙端行殿試

杏園詩句定無如却擬瑀弓賜得緋立仗陛郎無唱姓過江宗相

戴相文子
戴羽撰

有傳衣紅塵輦路桐陰滿翠箔人家燕子飛過馬傳呼齊指處鞭
絲一半拂金鞵

送先室歸葬西山

結束遙裝異昔時江頭送爾一露衣五年客殯依禪寂十里香魂
與夢歸閨美欲書碑易盡龍封新斷草應稀西山便想西湖是雲
樹深深谷鳥飛

送廬陵胡季昭夢昱以上濟却封事貶象州

古郡荒涼象跡新君行况是去裝貧此愁欲別柳邊雨明日初程
桂外人從古不多如意事加餐宜惜未歸身春風未必天涯盡木
槲花開瘴水深

漁浦

久慚竊食侶鷓鴣尚以詩名玷至公喜對親慈說田里了無事鄙

到船蓬漲流暫急潮差候陰靄俄銷月在空夢讀道經人一笑却
憐疎直有仙風

趙開府儀國公挽詞

卽星卿月透輝光忽著蟬冠換鷺行人世閱來知幻境鈞天歸去
侍先皇棠陰政惠人人說花底篇章字字香一段風流埋不得傳
家玉雪照人翁

西湖曾伴玉堂仙我亦陪登李郭船便有薦書如舊識賸懷此意
忽重泉西風引旒笳吹咽東國疏封寶冊鮮如此哀榮將底恨淚
因知己自潛然

盧直院挽詞

五十一迴春夢空兄悲子哭想東風別司制勅歸天上不共塵凡
住域中愧拂幽絃琴自語奩遺殘粒藥無功松颺九里淒歌薤依

舊西湖不負公

吳狀元兄泳挽詞

理學通深藝學高一官俄逐盛年拋門中晁董刊新誌海內陳雷
哭舊交黃落已空秋半葉清芬未著臘寒梢魂兮有句重吟否謝
肥山孤月轉坳

莆門陳東舒

野

挽詞

楚望之父

碧海雲邊為小隱暮年世味等空濛笑看朝友題銜潤愛共鄰翁
話歲豐書述南軒免自注詩參東野字應同一丘裘褐甘寒夢透
曉疎鐘出梵宮

挽張金部郎中詞

喚作郎官三十年淡於名爵自應賢摩天靈歛諸生筆匝地春風
使者旃手種路松添墓色門開族井泐坎泉瀉熙耆舊今無幾忍

把豪華萬口傳

挽林知縣朝奉詞

兩拜恩綸世澤垂皇天老眼未嫌遲百年忽失古君子四海難逢
今吏師祖奠兼排遮道帳影詞別寫憩棠碑湖堤蓀滿讀書處雪
意將雲萬疊悲

林節推挽詞

屋角皇天眼最明君今吉報在佳城獨僉綠水花邊字不並黃金
砌上行權量無私堪宰物詩書有澤合銷兵戢戢工部新銘在安
固江流分外清

朱邵州挽詞

本赴邵州

湖湘夢斷兩旌紅素業俄隨逝水東邑政清平民是子京錢流轉
楮如銅祗今吏道通才少况爾家庭友誼崇欲挽九原無好句漫

同回札寄飛鴻

挽陳縣尉歌詞題墓額

欲裁薤曲問耆賢見說聲華四十年六館已推天下士一官何羨
史中仙白沙舊事漁樵老縹軸新銘蠟墨鮮便覓當今徐楫筆榜
知如玉在松軒

夏運屬挽詞有園名

我愧文襄漫述銘喜聞詩挽遍群英俗媮萬事皆瀟薄子孝重泉
獨顯榮著脚官塵能道遠委身王事不求名故園引得湘江水依
舊東流徹底清

東山隱士曾公挽詞

兜袍已綠鬢絲鮮尚愛寒檠對夜編里不聞喧欽德重詩能藏巧
得名全慈平心是今時佛隱卧身多晋代賢曉奠所親凝動處憶

曾持酒壽新年

丘處士挽詞

自移小隱寄西關終是高人性愛閒夢到春潮生菰渚眼看舊友
上蓬山暮聲忽背樵風遠書影空涵擢月彎令子相過猶昨日不
堪衰鬢淚霏斑

哭周茂洪

清襟無物最憐才怪傲翻從怨口來於我此生同管鮑昔人何處
覓陳雷龍駒有種長途見寶鏡無言象醜猜一慟欲從天外醉吳
門斜日起雲埃

徐太博母夫人挽詞其家皆以禮學登科

孫策子貴問何如籩箬盈庭學魯儒若盡禮宗天下少縱修彤史
古人無歸眠山館還知命賜吉朝衣得暫娛欲寄升堂千點淚闌

風吹雨暗前湖

朱尚書夫人洪氏挽詞尚書福州朱文靖公之孫東岡其功德院也

八座方新玉鉉家粧臺忽掩五雲賒徽聲不愧古彤管覺性能空
曇鉢花夜月東岡疎磬度春風南國去旌斜所親多少酬恩淚待
看重封燎詔麻

裴府陳夫人挽歌詞禮部劉郎

玉閨還是佛中身只採蘋花了世塵閒度芳年孤月曉貴聯戚晚
一庭春青枝路接藁砧近瑞錦辭翻黃絹新我亦卜鄰平樂里忍
聽歌薤咽清晨

林孔英岳母盧夫人挽詞

南澗承家事遍經東床得壻衆知名縱於人世百年短添得儒門
一倍清科第旋收夫又子空緣自解歿猶生新汗聞與姑瑩近松

霑朝昏管送迎

五言絕句

官滿寓濟州館得葉嘉仲和朱宰梅花詩次韻云作梅花詩
當用歐公雪中酬唱今凡詩家常用字一切屏去乃佳朱令
君僕未識面見足下道其語差強人意又與斯君德潤善乃
賡此詩以興譬諸草木吾臭味也

一徑過寒竹所知三兩僧自憐入山淺孤立本無朋經年一會面
危坐擁寒灰絕勝對餘子一朝來百回愛日經簷暖游蜂撲紙牕
吾生豈拘束一笑俯壽江伊誰同歲晚懷抱向君開烟雨闕芳信
望君來不來飢雀啄芳蕾蠹苔侵碧枝是中渾不較刻畫未嫌時
曠野多風雪陽和一點通不應歌兕虎吾道豈其窮草木有麟鳳
衆中分等流終然浪題品麟鳳自知不

七言絕句

斜川晚書

水減橋痕暈翠霓
弄花小女立晴堤
蜻蜒欲下嗔飛去
擊潑驚流過樹西

永康道中

漲綠無風影自搖
芡花生刺藕花嬌
山禽不記春歸去
深樹一聲婆餅焦
油笠芒鞋筇一枝
晚秋天氣半春時
雨多樵徑行人少
山崦青紅叫畫眉

泥沙過迴人家少
烟樹幾行山一圍
漸近界牌聽喚酒
柳塘春水鷺鷥飛

佛舍利塔

海天五月氣陰清
單綵無功絮有情
踏半浮屠見滄海
風搖鈴鐸是商聲

定海九龍山

佛燈孤照淨琉璃
吟盡疎星印水湄
更覓九龍飛下處
人言山僻過于詩

育王涵秋亭

流水山間只似秋
碧天無雨自颼颼
寺童邏笋時敲竹
竹與水聲相共幽

宿育王河頭庵

晚靄圖成紺碧天
鷺鷥無數起平田
渡船委岸人家閑
却向僧床聽雨眠

次趙常博題淨慈僧曇印得御書真贊僧號松巖

黃紙書涵雨露恩
春風寂寂閉巖門
松間時有神光現
不是孤園禮世尊

僧道暉疏泉疊石種松竹梅有詩求和次韻

松下煮茶冰折玉
梅梢掛衲蘚黏綠
莫侵石塢竹邊行
行處明年減新竹

贈黃叔向二絕

買屋建康名曰

常恐清吟不療時
軟弓輕劍學兵書
君今得句歌紗恰
馬上功名更莫疎

艇艤江南幾度春
幾時遡洛向咸秦
若應只載閒風月
擊楫英靈笑殺人

贈朱子文因寄朱元剛二絕

朱法曹余同年進士也子元剛從余遊近見其詞藻進長忽從

病中因訪余於蕭寺詢以心弟風骨云當遂有成

僻寄僧房鎖月蘿
驚來客屐響雲莎
病侵瘦骨寒於水
却說冲和占得多

故人墓木半藤蘿
兒姪東西鴈一莎
絕喜阿連新筆長
契君風鑒愛渠多

五月一日出局偶書

坐局無營飯又茶
楚騷詞裏記年華
小牕不厭經宵雨
紅到葵梢第一花

題浣川

五十知川雪鬢鮮
尚將疎褊謫塵緣
近來萬境心如洗
笑改斜川作浣川

浣紗元是此川名
鷗鷺蒲荷物物清
人把淵明居並擬
如今倒換學淵明

非

兩山影漫青於染十畝光涵玉不玳裏外無斜又無曲新名換得最相宜

仙都示馬令克

釣魚自薦桃花飯借麴新筍竹葉膠一段清貧眼中見定非裝點入詩騷

集句

上丞相壽

某恭遇某官維嶽降神自天錫嘏喜歌驩詠海寓維均某竊惟絲嘉定善治以來歷載二八紀度修明朝野恬晏用能緝熙庶功迺續興運齊魯趙魏歸于職方玉寶誕膺竹帛登載誠足以揚鴻休而鋪景鑠也乃正月之吉褒崇儒先奎閣隆名寶擊穹渥推予不靳煌煌乎元祐之盛心矣

覆載之間物物順軌格天元勲昭著煒奕夫業鉅者報豐美備者福茂則萬有千歲媚于一人鼎鼎安樂衣冠昌衍皆天意人心所叶順者某詞荒學類窘於形容謹集唐人句為十解庶聲之九龍竈與宋無斃冒瀆鈞尊某下情震懼驚慄之至

赤墀黃閣自從容溫庾人詠元和第一功籍張萬家曉歸仁壽鏡建

勳旌旗初下玉闕東戎昱相業

後漢今周喜再昌杜無人金闕議邊兵陶二儀清濁還高下

國笙歌醉太平杜開中興

瀟漫山東二百州杜君恩如水向東流李商樓前立仗看宣赦

白壁黃金萬戶侯高適

河北將軍書入朝杜九重春色醉仙桃杜沿邊千里渾無事姚合雲

捲長天聖日高右杜光庭

翔鸞闕下謝恩初錫禹玉印前頭鹵簿車顧每日請來金鳳紙建

修成幾卷太平書右姚合進寶祐新修儀注

今春喜氣滿乾坤杜應有蒲輪輶白雲汪恩與內分金帶赤杜草

堂焉敢更移文右楊嗣復英

去年沙嘴是江心右皇甫近日汀洲綠芙蓉深龍伯驅風不敢上右

筠楊花不動樹陰陰右白居易

萬歲千秋奉明主杜坐令四海如虞唐鱗一門累葉凌烟閣揚巨

功業汾陽異姓王右杜甫壽祺

十二樓頭花正繁右温庭朝迴環佩五雲間車金鱗不動春塘滿温

筠天上仙人愛靜閒右周賀新潭府

曲江汀滢水平杯鱗便覺春光四面來楚孤荀令鳳池文杏別顧

熊先於門外百花開右劉禹錫科

詞

楊稍青

登岳陽樓

袖劍飛吟洞庭青草秋水深深萬頃波光岳陽樓上一快披襟
不須攜酒登臨問有酒何人共斟變盡人間君山一點自古如今

浣川集卷三

浣川集卷四

奏疏

聖學疏

戴相文子
味戴相撰

臣仰惟陛下英明冠古聖德緝熙凡在列之臣得以面清光者無不以講學為言所謂講學者中庸大學其首也臣不佞以為陛下之所誦群臣之所對未免寔流於虛文臣請撮其切於實用者言之臣聞中庸之學自謹獨入大學之學自致知入中庸曰喜怒哀樂未發謂之中發而皆中節謂之和致中和天地位焉萬物育焉夫能謹於喜怒哀樂即自其謹獨而得之人雖中智莫不知戒懼徒以隱顯殊制作輟靡常惟於不睹不聞者謹之則誠意所積流通無間今陛下臨朝若神非不嚴格恭己南面非不粹淵然退而寒之者多矣摯御使令慧黠順適者獲進巧詐迎合者見容燕飲

顯

之不節舉動之少輕宮庭隱微一有過差皆足以干陰陽之太和
近者星象違度陰雨彌旬螟螽為沴穀價騰踊疵癘沔沔作流離日
繁陛下反之於躬真足以位天地育萬物乎然後謹獨之學可驗
也大學曰在明明德在新民在止於至善夫能底於至善即自其
致知而得之天下事物無窮而莫不有定理其本末有倫先後有
序惟事事物物求其至焉一理既通觸類自悟今陛下精一之說
不絕於口危微之旨日陳於前然尊所聞行所知者鮮矣處事用
人明辨是非者有幾別白邪正者有幾號令所出朝更而夕變除
授所加倏倏而忽賢朝廷施設一或失宜皆足以召天下之讟侮
近者訛言迭興叛孽間起某事未作而人疑其無成某人未用而
人疑其必敗陛下反之於躬真足以明明德而新民志乎然後致
知之學可驗也臣願陛下取二書而觀之不以廣誦泛說為能而

以切問近思為貴執中必如虞舜繼志必如文武克明峻德必同
於堯日新其德必同於湯守之以誠養之以敬日夜去其所未合
而不忘其所以合然後講學之功有補矣且夫中庸大學一理也
中庸之九經即大學所以治國平天下者也大學之母自欺即中
庸之莫見乎隱莫顯乎微者也書二而理一陛下能自得師則優
游饜飲皆是實誼左右逢原莫非妙用惟當使此誠此敬無一昔
不存耳昔唐德宗出宮女屏遠玩好淄青將士投兵相謂曰聖主
出矣吾屬猶反乎及其猜忌一生以推誠為無益則貞元之敝有
甚於肅代陛下於此察之使言而民莫不信行而民莫不說聲名
洋溢於中國施及蠻貊則主執日隆獨非今日之急務乎唐憲宗
平淮蔡制馭強藩當時論者謂非朝廷之力直以措置能服其心
及其驕侈一萌任用便嬖聚斂之臣則元和之治終愧於二祖之

風烈陛下於此加省焉知善則得之不善則失之惟命不于常則天命日固獨非今日之永圖乎夫以陛下耽玩此學之久嗜慕此學之篤而又體察此學之詳臣申復其端則不以為贅辨明其實則不以為忤而臣進對之始亦姑論其大畧而未敢徧舉也狂瞽之言罪當萬死惟陛下裁幸

劄子

乞補外劄子

政

某一介極陋百爾無堪分甘選海之藏敢起周行之夢忽起故府旋廁儒官既不繇班次以通閨又獲免塵勞而作縣僂踰已甚恩造難名某早夜忖思髮膚誓報豈不願効駕鈍以酬洪遇豈敢不欲苟歲月以希叙遷第惟怵迫于私門所合投投于化冶伏念某有母八十景薄桑榆卧病頻仍日親藥石若非求就養之便恐莫

遂怡顏之期敢望朝廷曲賜敷奏察小已由衷之悃體方今迭補之規特與陶鑄在外一小小合入差遣庶幾上廣錫類之仁下全知分之恥某感戴恩紀銘鏤心扁儻未棄於明時尚勉殫於異日惟是資歷至淺躐控非宜突犯威尊下情無任震灼俟命之至

再乞補外劄子

某一介么愚輒冒鈞威申懇悃忱某粵從筦庫微倖學官可謂窶儒之至榮豈非曠世之奇遇詎勉寸職圖報明時迺分攸宜亦某夙志唯是有母八十抱病沈綿日起粉榆之恩欲親藥餌之便某比者控祈補外出于由衷未拜俞音復叨峻擢載循微瑣寔不遑安或自速于顛濟恐倍煩于造化欲望朝廷特賜敷奏陶鑄某在外一小小合入差遣庶幾就養以廣錫類之孝服勞以體更迭之規天地隆恩髮膚誓報干瀆嚴尊某下情無任震灼俟命之至

祧廟議劄子

某一介公瑣誤蒙拔擢實在故府仰惟大丞相國公先生識學淵深動與古合而議者乃謂英廟當祧某輒翰管見以備采擇某竊謂之不必祧者二不可祧者三夫天子七廟之制昉於書詳於禮今之所以議祧者正以廟數已多不合於七廟之制耳某謂此知七廟之說而不知七世之實者也夫所謂世者父昭子穆合為一世若兄弟則同此昭穆不得以世言昔者仁宗祔廟禮院欲以太宗為一世而遷僖宗於夾室孫忞以為太祖太宗共為一世合存僖祖以備七世之數有詔從之今茲大行皇帝以世數溯而計之自一祖四宗功德巍巍百世不遷之外英宗為一世哲宗徽宗為一世欽宗高宗為一世孝宗光宗各為一世其與大行皇帝纔六世耳况高宗又為不祧之宗其實為五世於七廟之制未為溢數

此其不必祧者一也議者謂若以兄弟同為一世自太祖而降距今大行皇帝猶為十世某謂此知所謂世數而不知宗在廟數之外者也夫所謂宗者皆在七廟之外劉歆以為有功德則宗之不可豫為設數周公舉高三宗以勸成王則是宗無定數故班固定諸儒之議取劉歆為博而篤以其合情義之中也本朝太祖而下太宗有戡定宇內之功真宗有藻飾太平之功仁宗有人安天下之功神宗有肇正法度之功至我高宗中興其功尤茂凡此五宗百世不遷景祐元符紹熙詔書固已備述要皆在於七廟之外以此數之安在其為十世耶此其不必祧者二也且古之所謂祧者以遠廟而為之耳祧之與廟本非有所降殺特以久近示有別異而已若有所降殺則是子孫得擇其祖而事之非為禮之意矣故曲禮所載自考廟而上凡五而以二祧足之考周官守祧之注則

祀

周以文武為二祧而其後各以昭穆附之修除黜堊精嚴若一今若議祧則必如周人文武二祧之制自太祖而下皆擇其親盡者奉之於祧方為允稱若獨祧英宗則於情義有所未安此不可祧者一也議者謂今特用唐人之制遷之於夾室自僖祖順祖翼祖宣祖固行之矣某以為不然夫四祖者皆未始親有天下特以太祖初興肇立親廟故備數而祀之今英宗撫有四海篤生神宗聖聖繼承以迄於今其在先朝翼祖既祧而復舊宣祖當祧而不遷其謹之重之猶若此及孝宗祔廟太祖正東向之位而後宣祖僖祖始遷於夾室今與宗之事與四祖不同此其不可祧者二也又又所謂祧者以親盡而遷也漢人謂親廟四故有五世親盡之說按經傳明文天子七廟則安得六世而遽遷者且漢人五廟迭毀之說本出矯枉蓋漢在京師之廟百七十六所而上食衛士祝宰

樂人至七八萬人故貢禹始為迭毀之說今祖宗之廟專嚴簡靜本非有礙於事宜揆之以祖功宗德不在廟數之限則英宗廟在七世之內豈得謂親盡而遷乎此其不可祧者三也夫宗廟之議至嚴至重若非出於至當則不可輕動子孫之於祖從其厚不從其薄惟情有所止義有所極則不得不為之節今既有不必議之實而欲行不可為之議則幾於薄矣前日九世之廟而為十二堂本襲唐人九廟之制今若布告中外使知一祖五宗百世不祧在於廟數之外則雖祔大行皇帝復增一室猶不害其為正七廟之名也而亦何必更張乎惟並觀於群議之合遷而獨得於廟謨之精微則於禮制有光矣冒責鈞嚴下情無任震灼怔營之至

答兩項祀禮劄子

某伏蒙台翰以某前日齋宮曾話及先農武成王祠日重賜垂問

極佩隆謙某意以吉亥饗先農當在祈穀祀上帝之後蓋所謂吉亥乃是涓亥之吉者非謂上亥也若謂未祈穀祀上帝則於上辛以後選吉亥而用之亦何不可唐制既用十八日又用二十八日二十九日豈得為上亥乎上戊祀武成王亦當在上丁祀文宣王之後蓋月令仲春上丁命樂正習舞釋米此上丁見於禮經者唐開元立上戊祀武成之禮特取其降於宣聖耳非禮之舊也若上戊在朔日則自宜展用中戊唐貞元中從議禮者之請遇上丁釋奠與大祀同日則展用中丁丁猶可展而况於戊乎若兩項祀禮如此施行方得允當今檢唐會要數項併唐志簽出申呈伏乞台

嘉定十七年正月二日己亥祀先農四月辛丑始祈穀上帝二
月朔日戊辰釋奠武成王十日丁丑始釋奠文宣王故有此議

論抄劄人字地字格式劄子

古今以立法為最難不獨朝廷之法九州縣議一政處一事其創

立格式未有可易為者蓋區畫議論之初本皆以美意為之及其思慮微有不周則奉行易訛而實利不及于民矣竊觀大府頒下抄劄格式釐為三等有力自給之家為天字號不糶不濟其次則地字者糶人字者濟彼有力自給之家固為易見若其以粗有田產藝業者為地字鰥寡孤獨癯老疾病貧乏不能自存者為人字某竊謂立式容有可思者且田既不種矣雖有數畝之產安所得食鄉里既皆貧乏矣雖為工為匠為刀鑷為負販誰其用之且既有數畝之田則不得不謂之田產既為工為匠為刀鑷為負販不得不謂之藝業若此者而不歸之地字號則抄劄之官且以失實獲戾矣聞他縣官吏有疑畏過甚者必鰥寡孤獨癯老疾病而後歸之人字如此則得濟者幾何人哉是固不知抄劄立式之本意且既云鰥寡孤獨癯老疾病六者同濟矣何止及于六者而不及

率下其字以法甚

於貧乏也今定海抄劄之人字固無此患而其所可慮者止地字
號耳蓋官吏拘于格式不得不以田產藝業為地字號若官司必
曰地字者止糶而畧以無濟之未見其可也某遍走阡陌備知其
疾苦而深得其情狀大率中產之家與貧乏之家其為缺食而仰
給于官則一嘗聞其言率其怨懟曰吾薄產之家歲輸秋夏二稅
以報國家今吾田荒不種無所得食而國家止濟無產之家耶且
吾輸納義倉政以為歉歲備今若官不給我則俟隣戶得米攘之
而已又每見抄及鰥寡孤獨癯老疾病之人則譁然來曰明春耕
種必須極壯之丁今強壯坐視其飢餓而殘弱獨蒙濟給可乎夫
人情無厭固難盡徇然反覆思之亦殊有理或者乃持文王發政
施仁必先斯四者之說某以為此非為救荒設也文王治岐耕者
九一民樂其業本無窮困之民文王猶慮其然故仁政之施必以

四者為急非謂舉世皆窮民而仁政獨以此為先也今乃欲以文
王樂歲之政而為飢年救荒之策是豈為知理者哉為今之計莫
若使人字者五日一濟地字者十日一濟去賑濟之虛名而使民
被賑濟之實惠此策之上者也又不然則地字之家計其大口之
數或兩小口當一大口其及三大口者摘濟一口五口以上則摘
濟其二或口數頗多次第增添庶幾一家之內足以小補不至全
然闕食缺望而爭此又策之次者也若曰吾以人地兩字分為濟
糶今又混之不可某謂此二策者固已分別地字人字俾所濟有
等差矣非混然費官司之美米而無辨也若必欲使人字者濟而
地字者糶人情見其家之有無不甚相遠也彼空手而得米此持
錢而後得之其能帖然乎大則喧闐生事小則訟牒繫輿咎將誰
任伏惟大府少垂察焉

乞將清泉兩管均濟摘濟劄子

某一介庸孱過蒙使府驅策將清泉兩管去歲被旱最極去歲令某監散賑濟米斛某除已同官長錢宣教一一詳議斟酌施行外見本鄉東西兩管綿地五十里以戶計者凡千二百六十一以口計者四萬三千九百六十四其間有地字號人戶例欲求賑濟扶老携幼懷牒紛然稍不得志動以死生脅嚇官吏某既日與受詞猶復詣提督府判寺簿等使衙變名易策陳乞不已某載惟始者抄劄崇丘等鄉已曾妄陳便宜於使府謂地字人戶與人字相去不遠宜少有以賑給之今崇巖丘靈巖兩鄉已蒙府判寺簿申稟使府添給米斛矣百姓獲此甚大惠也某竊計使府米斛有限難以盡行添給某遂將兩管所結給散甲分其鄉里足以相知者遍行訪覆具知其家之有無錙銖不忒有家力相去不遠而一家至

於全給又有一家畧不露惠者遂令通融或輟半口一口以遺無給之家使其厚薄不致殊絕名曰均濟間有死亡事故者俟其家葬埋已畢旋與收上亦以給所合均濟之人更不別請官米唯是東管地字號者稍多不免照崇丘鄉例隨宜摘濟却以都正吳俊等米添給計其為數亦不甚腴除別狀供申外欲乞台慈特與申府照應

論邊備劄子

某僭有出位之恫惶悚申稟邊備一事大丞相廟謨默運已極周密某海瀕之人又嘗試吏定海竊見温台明越海道所接寔為要切似聞曩者海舟往戍多為山東所留今者山陽餘黨若以重兵討之恐彼懷侵軼之計出吾不意則海道之近於山東者不可不為之備明越猶為重鎮若温台則素無兵備守令自財賦期會之

外未嘗過而問焉謂宜密諭守臣凡軍器之未飭者飭之軍額之未補者補之私販競渡之酋鄉豪雄長之輩皆陰籍其姓名使足應倉卒之用而不在于張皇此亦預備之一端也某書生竊亦有志於事功區區報國之忠每欲自竭而恐無益於時今當去國輒陳一二更乞鈞慈特賜詳酌如某言無可采得寬誅斥之罪寔萬感幸退惟嬰突下情無任震汗之至

浣川集卷四

浣川集卷五

碑

定海雲霄三公廟碑

絕縣港東南行為靈巖複阜重巒遞互隱映益南距郭八十里麓漫原衍有神祠飛跂翼出叢薄間問其名曰三公雲霄廟也縣負海抱江數早早即禱群祀余熟知雲霄之秩祀籍而不知其壯且麗也堂甚敞挾兩夾室仰眎其修梁則歲月與重建之姓名咸在曰某年某月某日詰其初置者若莫知所因惟道其靈驗事不絕口余攷圖志雲霄山屬鄞與定海分壤蓋二縣之鎮也夫山益峻其神益靈呼吸雲氣觸石膚寸能潤澤其人故霄必先有事於山川其在方國得即其封內祭之自祀禮訖逸神有廟廟有像凡被服儼坐於壇壝而當牲牢酒醴之薦者率唐迄今之袍幘也獨雲

戴相文子
戴翹撰

雩不然縹旒九就黻纒兩耳山龍黼黻上下輝絢真古三公之飾
斯非穀梁氏所謂應乎上公而通乎陰陽者歟然則神之從來古
矣而古今幾變也古者自吾身而達之政理所以橐籥太和坯範
元化既靡所不用其極間遇咎沴則自省自艾而齋慄禳祈亦與
之並行蓋容有輕重而非以為簡也穀梁氏曰時窮力盡然後雩
是知古人求神之簡而不知古人銷變之詳已大異矣後世人事
缺祀又一切求之神神將不勝其應也則勞勞而無數茲神所以
愈弗可忘已乃作送迎之詩使歌以祀神其詞曰海浮天兮揚素
濤江怒鯨兮生兩潮擁鹹沫兮空滔滔功莫概兮杪與毫猗雲雩
兮生之高乘陰陽兮凌九霄憫我民兮殖藝勞畀嘉澤兮潤土膏
操天弧兮服靈弋舉長矢兮射魃妖驅雷車兮駕風鑣挹明河兮
翻斗杓羗儵忽兮霈四郊紛耕耘兮閒我棹神安翔兮反翠旒雲

隱隱兮閔鼓簫之帝閭兮賓以朝飭百職兮毋怠驕祛祲氛兮鐘
呂調百困庾兮樂且饒神之惠兮德孔昭惡不腆兮牲若醪長思
神兮仰泣寥後三光兮孰使彫

記

江山勝概樓記

謝康樂守永嘉垂七百年郡人始即城北門為樓以康樂泛中川
涉孤嶼歷覽倦乎江壖因取北亭叙別之詩借樓以表之然晉之
永嘉屬臨海合三郡戶不滿二萬今較以一縣何翅倍蓰計其當
時荒涼寂寞翳為草莽之區與今之鄞肆派列闐闐隊分者迥不
侔矣以故市聲頌洞徹子夜晨鐘未歇人與鳥鵲偕起樓跨大達
自南城直永寧橋寂為穰富俗以雙門日之而罕以謝稱也獨郡
有大醮會守與賓為別席更衣之地酒三行登車迎道殿訶回集

張

府治往往快里陌觀瞻而已其在斯樓也或庸高弗啟惟帝複帳
曾未觀江山之面而詎能識康樂之心哉四明史公以奎閣月卿
藩宣我邦嘗按圖牒登樓而觀之病其庫陋不敞且頽棟落楹礎
沒而瓦漂慨曰江山信美而誰與領之乃闢舊址乃鳩新材兩廡
翬翼三閭洞開周以欄楯臨以梁憲白祭界其前峙羅浮接其右
隈斗山四繚迭為崔嵬大江橫以東下勢欲去而徘徊見夫雲霞
出沒景魄往來寺塔映乎林壑艘船湊乎帆桅於是江山之勝與
目力不約而諧矣勝曰江山勝概以與眾共之而題康樂詩於屏
間然則康樂始獨受是樓之名而不專其名今同享江山之寶而
得全其實公與康樂神契於七八百年之上非所謂善學康樂者
歟雖然昔人論江山之勝者以險持壯以德持險而觀眺之勝不
與焉非以為不足也先立其大者而觀眺之勝從之也郡城之門

子山

孫太僕云宋時
郡俗以此可
歎也

十而北隅居其五蓋屏蔽大江便於守禦自郭山抵海壇然後達
於三隅延袤十八里承平既久墮地日增公嘗曲慮密籌計丈尺
度土功將請於朝節郡費以新之可謂得設險之政矣雙門本唐
名後易為望京郡俗侈外而宴中高車大蓋填巷塞途冠裳履服
士隸亡別故公每欲辨名分崇禮節而民狃於故習未遽革也惟
舉善而教使之見義而心服聞過而意消則人和之效又在於設
險之先者茲不亦政德之兩全歟夫合內外具本末公之為是郡
也允協於古道則江山之勝備吾觀眺者暇日從公而登之可援
筆而賦矣

永嘉重建三十六坊記

分畫井廓標表術術此政也而有教焉何謂教示以好惡而著之
風聲興其視聽而納之軌物斯為教矣古者問必有門孝友睦婣

任恤有學所出夕入實具而名未立也唐人以在市為坊坊門縱
 閉水沔穰焉然則唐之坊古之閭也其後植以雙木結屋覆之門
 不設而揭扁於上為美名以誌名者教之所自出也詎容漫漶而
 就湮摧圯而終廢哉永嘉州郭延袤十八里較諸雄藩會府雖不
 及毗列城則過之在昔民聚未稠甲乙可數比緇黃者稱自觀目
 姓氏者兼藝能大畧有以辨識足矣質而俚厖而未純者弗計也
 後乃文化變成藩飾聿至祥符圖經坊五十有七紹聖間楊侯蟠
 定為三十六坊排置均齊架締堅密名立義從各有攸趣故擬其
 勝地則容城鴈池甘泉百里是已邈其善政則竹馬棠陰問政德
 政是已挹其流風則康樂五馬謝池墨池是已否則歆艷以儒英
 掖導以世美梯雲雙桂儒志棟華與夫揚名襲慶綉衣畫錦云者
 彪布森列可景可效而最切於防範俾家警戶省則孝廉孝睦之

號遺忠遺愛之日或旌以招賢從善或斬以簡訟平市義利明而
 倫類彰取舍審而操嚮正有不說之教焉獨慨夫風霜之剝泐水
 火之蕩燬百二十餘年而沈守樞更建如楊侯之舊又五十年而
 煥章少御史公寔來其規設益逾於沈矣觀其博棟竦極翼以礎
 礎飛棟延檁被以之藻彤阡周陌匝絢焉如眉目之在人出者入
 者觸名感義一觀而三思焉渠不知所以自懋哉紹其續增者曰
 狀元衮綉祈報豐和復其續廢者曰崇仁榮親又永寧巽酒寶珠
 井蓮為一郡都會撤而新之還明倫曰登瀛易浣紗曰鼎桂總四
 十而仍舊稱以楊侯重也初楊侯既名其坊又什以詠之曰三十
 六坊月一般今夜圓至今稚髻弱變交口誦道豈非以其人蘊藉
 而易近民之效哉今煥卿公以銳志恢永圖以餘力輯小務凡
 城郭途路役之至難者既以燦然畢就其於區坊瑣瑣若不足為

公紀而郡人請伐石以侈之蓋公不獨優於治辦而其禮賢下士有足多者鄉飲釋菜日與諸生周旋揖遜士至歌而頌之如魯泮然公於教思無窮之義其必有得於政理之外矣

浙東路分新廳題名壁記

人之趣量相越其官業絕殊可歎也夫事條物畫細大畢盡不為苟且是之謂賢士大夫而不賢者反是且廬宇以庥其躬有吏有卒萃而為賦政出令之地又其家之寒暑燥濕託焉迺不能與一日必葺之念而猥曰傳舍云者此其人何如哉余去鄉之他郡見此類者衆問其故則曰我務實也問何者為實如民如兵如帑藏則又茫然泮然邈無緒績豈其以坐享給廩加之一意漁獵者為實歟抑亦甘寢飽食偷日惰歲此外皆以為名歟中興路置鈐轄以統州郡廂禁之軍官使臣六品位在守倅下斯亦不輕矣日有

告之向有記

教春秋有大閱其駐劄之所呵殿出入甚都而居無定廨非人情也其初以渡江草創而不能置其中以旅寄壽寧之佛舍而不暇置其後佛舍又為強有力者奪去而不及置又其後轉僦民居遞互遷徙而卒無肯置者蓋百二三十年而郡守史公實來會稽孫君紹祖始出力為已任告之有得城西廢地若干步高明爽塏傍墉而瞰湖建大門為長廡屬之廳如邦君之居賓次吏房周設其外而內有堂序牖戶下至庖福無不全好又為亭冠塲上楊柳芙蓉周遮掩映得四時之勝而於觀渡尤宜扁曰臨流用以滌煩疏鬱可謂不苟矣余頃在芻局實與君相後先見其教廡整治斛釜齊平老胥桀情尚遵奉其教令此余所見者也其去而宰漢東攝光化統轄京西軍馬邊績軍聲鈞耀於榆塞之外余固得以其所見而信其所不見者焉前後方伯巨人薦墨淋漓莫可勝紀茲所

謂務實而兼有其名者哉今將去而顯用於時復求居是官者列
氏名於壁余因掇其要節系之

樂清王次點東巖記

王君次點以詩書周官太史班范書東嚮為人師者二十年其學
長於講說引類貫倫歛博歸約為文峻潔雄特下筆不自休走京
邑咸願館之已而試輒北來書東歸告余曰東巖之屋就矣吾將
隱焉屋距縣三里自州而遊台鴈者必經吾門逸人勝士暫止遽
泊時有扣發彼我交暢左接白沙春扈夏網廡羸蠓蜃採掇無筭
此擊鮮釀酒一快也右並東岑佛廬塔戶磬梵鐘魚朝暮清越此
吟幽玩奇一助也依流而樊通崖而徑凝四顧之矚則異植掩映
紛紅翳綠趁節嫵媚陟十尋之步則鉅海淼茫來潮去汐效技獻
酬屋之狹不數楹而所貯賒矣屋後山也三面平疇也聽羽族之

和雖勝俗叻之諭訛觀土物之茂好勝險心之梗榛若是者可遂
隱乎子盍記諸余曰允矣抑余聞昔之隱者或有隱之業故耦而
自耕汲而自灌漢魏以降土無塊壤則良艱矣甚而庸伍賃畚織
畚屨以肥其遯否則殍及之法固應爾君獨能倩雲月為調度顯
筆冊為性情哉已仕而祿未仕而館士之常職也無媿於心而有
功於人以自食其道斯不害於隱之義矣君用之則某效子弟從
之則某善非孟氏歟余敢質君以其所為隱者

太師史越王祠記

恭惟孝宗皇帝祗通高廟紹光中興實惟一德之臣是憲自圖粵
由初潛以迄內禪所謂自周有終相亦惟終者故太師忠定史越
王一人而已內輔國政外飭戎功大丞相所以覆露海隅而此邦
愛戴不釋者抑豈偶然哉蓋聞之薦紳先生善為相者必先立乎

國論善謀國者必先當乎天心天心者何曰仁而已矣孝宗每以
讐恥未雪思用兵於敵者寢不遑夕獨越王謂讐可復也而不可
無自治之規兵可用也而不可為嘗試之舉故每隨敵有功而民
不困於鋒刃慶元權姦徼倖開衅卒使境塞生靈淪胥靡底大丞
相起而拯之一遵先筭師以直為應不貪勝以自疲將以信為御
不先疑以自隙歲幣絕矣而北人之辭愈恭城壁增矣而邊境之
儲益裕故百姓沐浴膏澤和樂萬里此天心所嚮而佛菩薩一念
慈憫共符合軌者祠之建於是地匪稱歟若夫太守之佳政美績
獄無淹囚庭無滯訟百吏畏風四民得職嚴而卒歸於恕明而不
流於察實同此仁心之運邦人所欲贊頌特書守力止而亟辭者
邦人不得而違也故私記以附其後

定海七鄉圖記

弛

縣東北距海西南屬之鄞縣輪綿五百里自錢武肅王鏐以其地
益出漁聚始置邑名之國朝熙豐間疆理沿革今之清泉靈緒崇
丘靈巖大丘海晏則其鄉之定著者也而清泉析為二管總號七
鄉余嘗以鄉籍攷之政和六年戶一萬六千二百二十六口三萬
六千二百墾田三千三百頃蓋國家極盛時也中興以來休養生
息以迄於今賦政和幾增半之口更逾昔數之半而墾田所加纔
三十之二焉以故稅戶益分而客戶猥眾然則東南之民雖未富
而蕃庶可睹矣往年明越以歉告聖天子為馳賦蠲租大出粟以
贍之定海以口受粟仰給於縣官者且六萬石今當戶口滋衍之
時幸其既富而為漁民之政者唐開元是已聽其既庶而不暇修
養民之法者漢永康是已若其不以取民之易為常不以予民之
難為義無絲髮求民而一切應民之求焉此我朝立國之至仁用

以延洪慶祚於無極者也余既括七鄉而圖之併其山川徑畛風物古跡敢敬叙聖天子惠養元元之盛旨以詒萬世

定海主簿廳壁記

度

余既圖定海之版於壁乃疫其簿書為七使隨其鄉而出入之客有謂余曰古者圖與書相表裏周貢賦職九事實與邦中土地分畫者並藏漢入關所收地形扼塞爾戶口亦與焉今子之為是圖與書也使賦歛齊一鈎校有考不至疊誅複取以為民病稱若職矣然廳壁無記前後居是官者莫可考也母乃典猶有缺盍記諸余日子以為揭之壁間者眈藏諸人心者孰愈曰然則河南尹之贊藍田丞之碑贊耶余曰有二說焉凡官於民者惠利在人所去見思觀其草木猶景思之而况其姓名乎雖歲月既久觀聽不接一見其姓若名凜凜然興敬乃可貴也其或弗良厥職恫瘝於民

事

因

人厭苦之惟懼其身去之不速而何望其跡之留也故有聞其言而塗去見其名字而劃滅之者矣若是則雖大書深刻愈增爾客曰遂書以此記可乎乃為撫諸牘自政和以來得三十五人焉其必有遺愛可思者用前之說以侈之而用後之說以自警云

壬午二月八日校讀



戊辰四月廿六日借文淵閣鈔本校過

浣川集卷五

浣川集卷六

表

代賀冬至表

莫報君恩空曝野人之日所期美歲又占太史之雲敢對昌辰而
歌介福恭惟皇上陛下握曆數紀通天地心靜以閑闕屏事為於
無作和而聽律洗氛祲於一空爰屆迎長茂開有永臣棲身窮壑
綴職近班初散紫宸恍鈞天之昨夢共扶黃道附時彥之鴻圖

代水心賀正表

節推十閏聿新紀歷之休運啟萬年爰格迓衡之盛恭惟皇上陛
下與時無斁體道有初屆於小往而大來用以乾旋而坤轉臣俯
棲圭筆遙企觚稜百辟嚴趨恍屆鈞天之夢羣黎徧德惟同擊壤

戴惻
戴朝
戴子

隔

之謠

代水心瑞慶節賀表

三登怡德行鳳紀之無疆十月為良標虹流之有慶後天請祝率
土承休恭惟皇上陛下端命肅清履躬玄默儉故能廣陶庶俗於
丕平勝於不爭格遠人於多助與天心而昭契增神筮以彌新臣
竊伏窮棲猥參近綴乾坤數合當符渚頌之大來土木形頑猶是
嵩呼之一物

代水心慰皇帝表

太子薨七月初六日

龍旂前蹶震虛宗鬯九陛切鍾情之痛萬方深宅望之悲恭惟皇
上陛下適駿駉圖系隆國本茂銅扉之數久迪溫文愴璧宮之哀
俄韜輝潤有齡莫告所望而思願惟廟祏之欽承毋至宸衷之過
怛

祐

慰皇后表

儲德沈疇痛推中夏母儀隆愛痛結長秋恭惟皇后殿下三善承
乾一索得震定海有司之請實贊睿謨求秦越人之方遽驚慈抱
短修有底哽成無裨祈少節於悼懷俾盡符於經理

啟

禮

賀丞相冬啟

歷統肇於三微屆七百陽生之慶宰輔通乎四海膺萬年帝賚之
榮喜溢中邦福隆上袞洪惟某官德參泰極功格皇天布護湛恩
增煥慶雲之瑞清平王度允符舒日之長羣陰見現以默銷萬物
回春而自遂適應明來之序宜臻滋生之祥懿典徽章峻潞公之
禮貌遐齡永算邁衛武之期頤與國匹休對天無斃某身叨祠粟
跡囿化鈞望黃道之蜩武莫預稱觴之列控丹衷於前墨願廣調

鼎之詩頌詠逾勤編摩罔既

賀史敷文冬啟

觀臺雲煥暢和氣於甬均翹館日長溢歡聲於綵裏敢因亞歲申
歲上儀恭惟某官文瑩冰壺德輝珠緯庭賦祿期承順於親嚴
延閣通班密祇凝於聖春行冠漢臚之唱遂參商鼎之調茂對昌
辰翕膺純嘏某棲遲窮里瞻邇崇霄荔挺初萌正有資於造化泰
寒方極寧無覲於吹噓因賀以祈此悰莫罄

賀丞相冬啟

泰元迎日以推一陽來復上相代天而理萬類回春慶溢寰區福
隆英衮恭惟某官勲塞宇宙忠貫義娛開億萬年周室之休既安
既治邁二十四唐人之考益熾益昌祛陰沴以潛銷暢至和而育
決屬黃鐘之應候宜赤鳥之儲祥合璧連珠天瑞允符於亞歲備

之

槐

協瑞

北

物典丹帝心益眷於師臣茂對亨期式昭異數某次需郡佐跡囿
鈞陶望北闕衣冠莫陪舞拜和東曹之牋奏遙祝壽期頌詠逾勤
披摩匪究

賀敷文冬啟

歷候璿璣應飛仄於葭館家傳鼎鼐襲和氣於門庭茂對三微適
綏五福恭惟某官峻標峯峙邃度波涵養經濟於格天卓爾相門
之相寄吟哦於斲雪雅哉詩人之詩方殊庭延閣之餘閒適合璧
連珠之瑞協慶由善積道與時偕贊造化之發舒日添宮線簡聖
明之睠注春在恩綸某需次偏鄉囿形全覆奉南山之壽竿莫預
鳧趨和東閣之賀牋第深在躍滌心贊詠拜手知歸

冬至賀丞相啟

求薦

望大農之薦寒茲孰動於孳萌獻光範之書暖律獨依於坱圠敢

鞅

曆

虞
泥

以迎長之賀而陳汲短之私伏念某菲質仄輕哀門冰寂舉詞科
 於賜第之後慚無繡縷之增工竊祿仕於將母之餘僅類鞅材之
 助養身司賤莞全仰洪鈞雖初陽出九地之深微芒特甚而壽域
 開八荒之大運轉何私俾剛長之道亨斯太平之福應故慶厯彙
 進如珠星璧月之相輝泊元祐朋來猶瑞靄祥烟之遞見茲為治
 象盡屬明時恭惟某官格天以紹先勳洗日而更大化得機緘之
 靖定更險阻以晏如符形氣之太和融偏黨而會正方將消敵氣
 於分剝之日恢皇祚於昌復之期紫垣夜明黃道日正考兩京之
 鍾虞應我樂均封泰嶽之檢堦光於神英偉元功之無斁雖一士
 以不遺顧某何人報恩有地荔逢時而遂挺固知費累於生成鷗
 在旦而猶明所懼昭煩於覆幬巨勝震灼惟誓縻捐

元正賀丞相啟

真人撫運法五始以來乾上宰調元幹三陽以開泰慶綿寶祚福
 萃鼎司恭惟少傅樞使大丞相國公先生道冒羣工仁熙庶彙躬
 暨湯而一德已恢濟於宏圖民戴舜以同心方翊扶於初政屆小
 往大來之應輯下蟠上際之和維春之祺與國無斁某夙塵坵治
 欽企階符雖慕結蒼梧莫舉班庭之禮然心馳賀柄敢忘裁贊之
 恭俯懼塵燕仰祈鈞鑒

賀丞相正啟

攝提貞於孟陬統歲功而肇始太微應乎上相拱辰極以舒光賧
 蒼亮弼之謨赫乃清寧之祐恭惟某官忠垂簡冊績紀旂常同德
 格天濟保衛之專美絃枕輔世闡師表之大猷兩宮歡娛四野晏
 粲獸樽初發颺言賡詠於巖廊蟬冕增輝頽面顯都於槐位諒自
 天之錫羨期與國以無疆某藐爾庸祠陶乎鈞播寸莖冰冷密依

而

啟
塊北之工壽相春浮願上龐洪之祝熏忱詠贊刊贊奉勤

賀史祐神正啟

斗回乾野溢喜氣於枏華春在相門集祥光於槐蔭慶深雲擁頌
起風馳恭惟某官周魯傳家韋平繼緒抱高科而未試魁星密映
於台星聯華閭以自頤德雨默符於霖雨式應放墀之曆竚施隔
座之屏某風出恩闕芬叨祠廩仰洪鈞之一氣竊待吹噓同寒谷
之寸莖亦知歌舞賀忱逾劇絃贊匪虔

賀丞相正啟

上聖紀元三既盈而紀萬中階履泰坤以順而承乾輯時椒頌之
華贊我槐庭之慶恭惟某官敷迪鴻化弼諧燕猷韜玉錯鳴已助
成於熙事師干薄伐行迄奏於膚公維春之祺方夏永佑某衡門
屏跡翹館馳心仰塊北之洪鈞大開壽域回羈孤之暖律儻界叢

利且賀且祈以懼以揚

賀史寶謨正啟

合紹定之昌期肇新曆紀茂章平之令緒宜介春祺敢即輿忱用
伸善頌恭惟某官學傳黃閣美濟青氈戒寒士以爭名尚袖桂華
之手與賢才而拔彙益倍槐蔭之基對此泰亨別膺晉接某風叨
恩範自玷官箴念九地之陽春未回窮谷思四天之霖雨度活枯
莖敢托斐辭仰祈炳鑑

賀丞相得孫啟

慶延宰席秀挺孫枝人統肇乎甲申仍嵩嶽降神之歲斗朔紀於
大呂協魯邦同日之祥盛事一門驩心萬宇恭惟某官家傳經濟
世載忠勤十七年夷夏之救寧已茂中興之業億萬載君臣之相
悅又開同德之基邇者煌煌之芝產於奕奕之廟於昭珍瑞式應

階庭蓋決策安宗社之圖功施於國則積善行公侯之緒燕及其
私天意則然地閤加峻某素叨治鑄益侈厚成頌姬勳之勳與其
周室終始而無數較幸平之系豈漢世一二而足言喜亦伊深披
陳已淺

謝丞相得倅信州啟

奉麻源三谷之祠技聞已吞佐翠巖五峰之郡起廢葺榮墨想誤
以成蠅福殆生於失馬得非所覩感極其真竊念某縮朒亡堪際
逢自幸繇莞庫之下士通都靡介於先容招學館之諸生職教特
叨於累擢既白風霜之簡旋汗香火之緣春老萱闈旨甘切望地
寒蓬戶疾疢薰心方憐瓶乳哺以無期詎謂牛喘鳴而有問甫更
歲籥仍玷化鈞葵藿之傾太陽固日依於臨燭江湖之多乘雁豈
或計於去來顧迺察其忠朴之不移遂復許之駉驅而自試出於

望外畀以治中然而秀萃鷲山夙標近甸才慚驥足曷展題輿雖
懷印以來前亦凜冰而知懼使功不如使過敢負陶埏成始又獲
成終若謂稱塞茲蓋恭遇少師樞使大丞相國公先生道維宗祏
德冒幅員兼中興太平之功六七經而無媿任夾輔維師之寄億
萬載以逾長其為宅揆之至公妙盡知人之能事不以一毀譽而
易聽每因眾好惡以默觀嗟冷灰而復然錄焦桐於已爨恩鴻稠
渥情蟻怔營某思礪厥初力鞭其後猥憑泥軼訶功敢必於海圻
遂介魁符畢志願酬於材館翰唾易罄心篆難窮

謝執政啟

陪麻源三谷之祠久忘熟夢半翠巖五峰之刺遽起寒菽鈞陶之
恩有加於前銘鏤之狀莫知所止伏念某違時自好泥古成迂陞
莞庫之微廁朝班而知媿忝膠庠之任董晨誨以罔功遂罹栢省

技

之風霜旋飭蕊宮之香火有循知咎覲望桑心烏哺方艱念蘭埃
之潔養鳳鳴未吹覺黍谷之慳春丹爐藥疾疾之軀青鏡雪塵埃
之鬢自分梗萍之永斷詎期索籥之不遺界以佐州厚於為地顧
此驚山之近甸壯觀維多歎然驥足之下材題輿匪寄雖尚賒於
滌篆已凜照於臨冰造萬物而成始成終包荒信矣取羣才而使
功使過報塞謂何茲蓋恭遇某官德量涵空神鋒耀世身扶昌運
植丕圖於泰山四維之安學闡正傳揭至治於五帝三王之上鼎
彝事業竹帛勛庸方且計吏治之績以黜升灼臣工之心而進退
遂併溝中之棄質重收爨底之新功某仰佩龍光俯彈鴛妓指大
江而東遊縱屏益勉於清箴睇暇日之中臨葦屋復希於普燭敬
黔毫楮莫白端倪

武博除太博謝丞相啟

崇
庸
齡

陞聯右序方懷倚席之慚改命上庠又玷橫經之
選寵再新於浹日幸一出於自天塊北思深凌兢惕
甚伏念某無能為役妄意曰儒起自寒鄉之蠹子半
絲之援陶於洪造收鱉魚隻字之功爰脫送於吏銓
迺充員於學省塵埃盡洗光價潛增曾何分錄之勞
僅免聚朝之累帟困皮中之蟲蝨族自為仇鹿懸危裏
之須身其台崇矧親察之遲莫適卧疾之頑仍藉水
幾何坐醫百計詭外禁而自使口中渥以杏棗宜去而
遠逾寧見面顏之厚以文易也寔寔驚寒步之高豈今古
之能通安見見聞之咸屬彼漢重五經之宜道必久師資若唐
自四門而除尚云優選載循薄西昌稱便蕃茲茲恭遇
某官勲塞兩儀德隆四輔棧神明鑿幹海宇之廣於

範圍性道文章發先民之秘於幽渺茲億萬年無窮之
事業皆六七經未盡之淵源肆今叢生均圖樂育某益
堅素尚毋負殊知刻帶析疑雖愧昔賢之博遠豈浮宗
雅尚裨聖札之丁寧刻心難銘汗簡昇賦

加貝丞相除太傅啟


伏觀三月十四日制書大丞相進加太傅者冊渙天廷位
升帝傳聖主三年而大報德慈極之鴻名明公一德以
欽承格昊穹之駿惠徽章申錫輿頌祇歡益聞畢
公參聖論於周朝誕氣懋德鄧禹進東向於漢世式
表元功然而當禋祀合昇之時非又有寧親教孝之
美猗歎今日迥邁前聞德貫兩儀而靈順愈謙功塞
四海而疏榮屢吳迨勉受於儀典告成之日益少見夫

不

明良繼志之餘上固謂何官之可酬人亦曰此恩之已晚
若惟太傅極使大丞相國公先生道聞久大神與哲謀十
八載弼寧考之諱紀綱具舉數千里恢中原之境寶
鎮來歸既丕頌於重光了不言手萬伐惟思日攷之念
皆近衡穆之圖按攬人才則霧滄雲蒸中飭戎簡則狼
剔鷹伏里塵帖奉國步又安故得南位奉瑄而景宿絢明
束朝進冊而祥雲布護茲天意之攸屬豈人謀之強能
載觀孝廟之隆卓有越王之懿嘗因鏤玉之步面衡
是宜發中旨於龍旅播溫綸於鷺序冠冕百辟咸容
輦絕席之尊師範一人德誼侈如賓之寵并加并賦益
重重瞻瞻追配前文人終拜維垣之峻延洪大寶命永同
過曆之休某竊屏業祠緩聆郵道妻孥陶於一飽仰與

窮典極之恩燕雀昇於千間效隨見隨聞之喜其為贊
詠尤倍寺倫

除太學錄謝丞相啟



接前案除太學
謝丞相啟
膠序作序

泥

耀
耀

耀

金輝庇藏居無漸於幅日壁雖分錄寵忽冒於自天寔汗職事之
聯盡脫塵埃之跡化鈞所播恩海旁流竊以膠序治世之精神師
儒立學之元氣斯道升降視人輕重非古今博碩之英必甲乙馬
造之選伏念某人品至陋名第亦卑志目中肩墮南省十人之後
暴鱗黜額乏西掖六題之功望已隔於清華分自甘於冗散敢謂
公朝之簡俾從故府之游空食周功第慰循陔之養刻章如式繆
成通籍之階寸心曷報於陽暉高蔭重葺於露與成均之糾正分
博士之討論有英才所樂者三未妨麗澤無吏事不堪者七迴絕
鷲氛雖空疎莫稱於模範而迂腐粗便於習性僥逾過甚報塞於
何茲蓋恭遇少傅樞使大丞相國公先生勲冠四朝道闕百脛耻
一夫之不獲躬持伊尹之平得吾相以為師士頌周公之懿龍德
方資於夾輔鴻猷益罄於恢張肆令棧樸之微均被菁莪之養作

人盛美小已餘榮某思宿厥官勉耕其業率諸生以忠孝當少補於清時檢已量之崇卑庸敢昧於素分永言悃幅莫既豪銖

代衡守列任謝丞相啟

立朝無補猥參蘭省之華領郡非才亟及瓜時之戍延見父老勉宣教條願望實之甚輕荷甄陶之愈重伏念某繇庠序旋脫漁樵憂患十年嬰家庭之素鞞聞闕萬里徧蜀道之青天出選海以來歸厠班行而謬綴周旋左右之學進登禮樂之司遂玷曹郎獲叨銓部追數平生之遲頓忽若昇仙自惟冗食之優游何以報國力祈外補少試民庸敢圖疏宸之於遠假麾符之寵曉信安之沃壤實左浙之名城井邑鱗繁簿書久索舟車輻輳紵績未舒必得疏通之才適當治辦之寄厨傳疏僮之過客凜矣羣嘲保障或奪於繭絲難哉兩裕載維質朽曷稱委隆萃蓋伏遇某官扶日元勳格

天碩輔開誠心布公道陪聖政以帝新需厚澤浸鴻恩罄羣生而成遂用捨短取長之意絕重內輕外之偏俯念羈孤特加器使某敢不恪恭侯度祇服官箴政在撫循當不出樂職中和之外民無愁歎庶同歸大鈞坎扎之中鏤骨知歸矢心誓報

通薛尚書啟

幹斗樞於帝室肅瞻上省之輝光守層輪於神京竊下陳之趨走矧以拜恩之舊為今受命之新咫尺納柔萬分涵假恭惟某官亮天熙采與世作程握機明用遇人能鑑有為者情周鉅細無隱者照徹遐迩焯然大科異等之名濶矣高足要津之步條疏四百令民自以不究課最二十人主啟其異績徧轄中臺之綱紀久參右府之訃謨皇家密運於規恢邦綽悉資於方畧慮無遺美動則資功內以利人外以救速榜儲允殖後於論才先於考行銓鑒維精

兼數器以有餘歷百為而匪懈豈伊經濟尚緩登庸取天地以名
 官雖冠六卿之兩職上星辰而聽履合歌左相之一詩某初乏寸
 長靡眺丰矚雪遍萱闈之髮喜懼兼縈星周杏苑之題俛仰若夢
 調既倍於受結戎猶俟於及瓜土銜無烟自笑賣文之難活玉城
 如海誰憐寄逸之空藏正恐碌々於抱關翻慚坎々於伐輻惟二
 天之覆近覺千里之投輕似是騎曹請以馬喻震迅而上馳道不
 辭盡日之坭塵長鳴而顧主人乞與明年之春草歸忱逾切琢類
 匪工

上趙尚書啟

曾移書衛參勸令刻薦
荐又欲辟為幕屬屬

文昌八座之尊仰光耀者有日從事十部之重借吹噓而上天雖
 楮中之畫未酬而宇下之恩自出敎以片言之贊堅其終惠之逢
 竊以士之湛泊何常誰毀誰譽上之汲引既定不進不休願縈途

萬有至難在知己一亦足恃如其謫命則又非情伏念某窘於空
 疎加以拙訥皇皇就舉選始得而顏已衰飄飄從宦將至再而心
 轉苦以蕭然垂罄之室賦凄其悼亡之篇獨期舉主之破員少慰
 阿孌之加飯然而邈無雅素詎敢未同而言久相因依乃或將辭
 以解大錯悔幾州之鐵洪爐羨萬物之銅謀之至交喟焉長歎平
 生崔魏非不為少陵著價之高此日嚴徐空坐視枚臯忍窮之久
 思舊臣之外舉仗宗工之裏言頗記執吏役之鳴珂嘗因進詞業
 而望履卓為特達自幸庶幾借勢於王公大人昔嘗聞語推轂於
 卒吏下士今果親逢裁觀翰劄之丁寧殆越父兄之託慮捫感衷
 而自涕意蹇運而終通塞翁之倚伏固然誰云失馬博子之轉躍
 未定自合成盧恭惟某官揭日月而行符天地之運胸次納萬壑
 於滄海筆端起微雲於泰山不曰秘書登瀛洲已獨立神仙之表

恭惟都公學宰相蓋素高台輔之名既持事本於諸曹實寄政機於一武嘉績良圖之建方共倚於泰平小善片藝之收宜豫儲於豐暇重念某懦雖不武差亦自彊翁歸兩器自將敢為健吏斯立二塗取一儻列諸生莫非陶冶之私尚俟採擇之及且祈且謝以懼以慚

問訊平江趙尚書啟

凝燕寢之香遠屬車八十乘而未遠流京師之福與浙水三百里以俱東矧塵埃小吏之踪在推挽大恩之內奏記晚矣夫心以之恭惟某官智畧轅乎上前風采聞於天下當其職居喉舌所謂建璇玉以運陰陽迨令郡屬股肱豈徒釋繭絲而為保障王仲舒之教條可紀楊君法之慈敬為先將使全吳寢還舊事然後興見聞於觀樂之燕幕禮遜於達節之倫風景逾新獨照武丘之明月勲

名鼎盛空維笠澤之扁舟政路亟翔宗潢有焯某愚不自揣困亦望升流汗九衢信矣王城之如海垂涎丹鼎難乎凡骨之為僣幸受翰林林下之知遂申車師屏閒之記念先容之無幾荷為地之過周以待來年諒不渝於前諾適在今日可自墜於後機敢告曲成庶幾終惠具姓名於副墨恨莫隨鴻雁之飛候寒燠於小春但能結桃李之夢未殫歸倚尚俟謝裁

賀程刑部尚書啟

伏審八座陞班一水壺組斷鰲而立溟極亟當至周召而乃留豐以步文昌聊復與皋蘇而並駕士方續賀民實具瞻竊惟天開我宋之隆時獲奇人之用王文恭州治平之詔進端殿所以為參預之階范忠宣朔元祐之謨遷吏詮所以寄宥密之徑蓋付危疑於談笑之自定則處富貴皆勲業之優為若時鉅賢重我皇國恭

惟侍讀直院中書刑部尚書四海慕尚百世宗師作為文章何止
翔蛟龍躍虎鳳措諸事業固已駕風雲鞭雷霆歷東西臺而金玉
厥聲合內外制而機行一手人固榮其儒學公未展於緒餘屬當
倉猝之機卓有謀猷之致先皇重付託而定楚璧於五拜主上軫
謙冲而對漢璽者三辭與大臣從容其間俾宗祐帖泰如故其偉
績有若此者顧何官可以酬之今茲橫經於勸誦之帷曳履其論
思之地皇猷益煥事本維新雖總禁誥於秋官尚煩率屬然登疑
丞於帝輔行務奮庸庶幾億萬年敬天之休不越一二臣同德之
內某遂叨屬隸素切儀圖上馬得人而仰慶公朝下馬適願而自
忤私室蓋疇昔泛承於鑿效而於今親入於範圍倚牆俛而稱門
生有天共幸聽制麻而同走卒計日以須頌贊之深投匭則淺

溫州府